



Anders Olsen
Siumut sinnerlugu Inatsisartunut ilaasortaq

§ 37 naapertorlugu apeqqutip nr. 140/2024-p akineqarnera

Inatsisartut suleriaasianni § 37-mi, imm. 1 naapertorlugu Naalakkersuisunut apeqquteqarputit. Naalakkersuisut apeqqutinut tullinnguuttumi issuarneqartunut akissuteqartinneqartunullu qujapput.

01-07-2024
Suliap nr. 2024-12725

Postboks 1160
Qqarasuaat:
34 50 00
Fax: 34 55 05
3900 Nuuk

Mail: pn@naanoq.gl
www.naalakkersuisut.gl

1. Illoqarfiit sorliit aalajangersimasumik nakorsa qarfiunngillat?

Akissut:

Sisimiuni, Aasianni, Tasiilami, Nuummi aamma Ilulissani aalajangersimasunik atorfilinnik nakorsa qarpoq. Qaqortumi septembarimit aalajangersimasumik nakorsa qalissaaq. Aalajangersimasumik atorfilik qaammatit 12-t sinnerlugit atorfeqarsimasuuvoq.

Qaanaami, Upernavimmi, Uummannami, Qasigianguani, Qeqertarsuarmi, Maniitsumi, Paamiuni, Ittoqqortoormiini, Narsami, Nanortalimmi aamma Qaqortumi aalajangersimasumik atorfilinnik nakorsa qanngilaq. Illoqarfiit taakku nakorsanik piffissami sivikitsumi atorfilinnit sapinngisamik inuttaqartinneqartarput. Piffissami sivikinnerusumi atorfillit qaammatit 12-nit sivikinnerusumik atorfeqartuupput.

a. Taakkunani aalajangersimasumik nakorsa qalernissaq anguniarlugu suliniutit suppat sumullu killippat?

Akissut:

Kalaallit Nunaanni Peqqinnissaqarfimmi sulisussarsiorneq aamma sulisut sulisoriinnarnissaannik sulisuteqartoqartuapoq. Sulisussarsiorneq arlalitsigut ingerlanneqartarpoq:

- Attaveqarfiit aqutugalugit toqqaannartumik sulisussarsiorneq.
- Inoqatinut attaveqaatini nittarsaassinikkut.
- Nakorsanut atorfimmik inuttassarsiuisarfitsigut.
- Peqqissutsimut tunngasunik saqqummersitsinerni ataatsimeersuarnernullu peqataanikkut.
- Peqqissutsimut tunngasunik ilinniarsimasunut qaammatikkaartumik soraarnerup nalaani aaqqissuussaqaarnikkut.
- Danskit napparsimmaviinut paarlaaqatigiinnissamik aaqqissuussinikkut, sulisut Kalaallit Nunaannukarlutik piffissami aalajangersimasumi suliaartortarnerisigut.

2. Aalajangersimasumik nakorsassaaleqinermut aporfiit peqqutillu suuneruppat?

Akissut:

Peqqinnissaqarfimmi sulisunik amigaateqarneq, nakorsat ilanngullugit, Avannaamioqatigiinni tamani taanna ajornartorsiutaavoq. Nakorsanik sulisussarsiorneq aamma sulisoriinnarneqarnissaat nunat allat annertuumik unammilleqatigineqarput, Kalaallit Nunaat tassani aningaasarsiatigut aamma sulinermi atukkatigut unammillersinnaanngilaq.

Tamatuma saniatigut peqqinnissaqarfimmi pisariaqartitsineq matussuserniarlugu kalaallit nakorsannngortartut amerlanngillat, taakkunanngalu amerlasuut Danmarkimi nakorsatut ilinniarsimasunngortut Kalaallit Nunaannut utertanngillat.

Peqqinnissaqarfimmi ataatsimut isigalugu immikkut ilisimasalittut katsorsaanerit annertusiartorput, tamanna sulisunik piginnaasalinnik pisariaqartitsilernermit kinguneqarpoq.

a. Illoqarfinni aalajangersimasumik nakorsaqaqarfiummiksuni utaqqiisaasumik ataavartumillu nakorsaqaqartitsisarnerit Naalakkersuisuniit qulakkeerniarneqarpa?

Akissut:

Peqqinnissaqarfiup nukittorsarneqarnissaa siunertarlugu Peqqinnissaq pillugu Ataatsimiititaliarisup innersuussutai nangillugit suliariniarlugit Peqqissutsimut tunngatillugu isumaqatigiissut 2023 isumaqatigiissutigineqarpoq, tassani nakorsanik sulisussarsiorneq aamma attassiniarneq ilaapput. Isumaqatigiissut partiinit IA-mit, Siumumit, Naleqqamit, Atassumit kiisalu attaviitsumit isumaqatigiissutigineqarpoq.

b. Taamaangippat, sooruna:

Akissut:

Apeqquut 2a takuuk.

3. Utaqqiisaasumik nakorsaqaqartitsisinnaaneq ajornarsimappat iliuusissanik periusissanik peqarpa suuppallu?

Akissut:

Peqqissutsimut tunngatillugu isumaqatigiissummi suliniutit nakorsaqaqarnikkut aamma peqqinnissaqarfimmi sulisunik allanik qulakkeerinnittussat Sammisag 6-ip ataani nassuiarneqarput: Sulisussarsiorneq, sulisunik attassiniarneq aamma ilinniartitaaneq. Peqqinnissaqarfimmi ukiuni arlalinni sulisunik sulisussarsiorneq pilersaarutit anguniakkallu tassani nassuiarneqarput.

Ukiut 1-3 iluanni suliniutit:

- Peqqissutsimut tunngatillugu isumaqatigiissut 2023-mi Peqqinnissaqarfiup sulisussarsiornermut immikkoortorqarfia aningaasaliinerit ukiumut 2 mio. kr.-nik amerlineqarneritigut nukittorsarpaa.
- Peqqissutsimut Naalakkersuisoqarfimmi Suliniutinut allattoqarfik Peqqinnissaq pillugu Ataatsimiititaliarisup innersuussutaasa atulersinneqarnissaannik suliaqarpoq, nunanit allanit sulisut tassani ilaapput. Sulisut eqimattat taakku nutaat iluatsilluartumik atuutilersinneqarnissaat qulakkeerneqarnissaa.
- Susassaqaqarfiit akimorlugit suleqatigiinnit ataqatigiissakkamik ilinniartitaaneq pilersaarusiorneqassaaq.

Ukiut 5 iluanni suliniutit


- Ilinniakkani peqqinnissamut tunngasuni pissutsit pitsanngorsaavigineqassapput
- Illumik ilinniakkani peqqinnissamut tunngasuni sungiusarfigisinnaasaannik pilersitsineq

**a. Illoqarfiit tamarmik aalajangersimasumik imaluunniit
utaqqiisaasumik nakorsaqaartinneqarnissaat Naalackersuisuniit
pilersaarutaallunilu anguniagaava?**

Akissut:

Peqqinnissaqarfiup sullissineranut sumi najugaqarneq apeqqutaatinnagu assigiimmik sullinneqarsinnaaneq Peqqinnissaqarfiup anguniassavaa. Peqqinnissaqarfimmi sulisunik nakorsanillu sulisussarsiornermi attassiniarnermilu pitsaanagerusumik tunngavimmik pilersitsinissaq isumaqatigiissutip siunertaraa.

Inussiarnersumik inuulluaqqusillunga



Agathe Fontain